

QK. 280.

LESSUS

In funere

V. CL.

Z f  
6715

DN. M. JOHAN-  
NIS ZECHENDORFFII,

Lefnicensis Misnici, Scholæ Cygneæ ultra 44. Annos  
Rectoris fidelissimi, meritissimi, Philologi, dum fata Deusq;  
sinebant, Excellentissimi,

X 212 1519

*Ob Αναθηλικογλωσσογνωσίαν singularem etiam Ex-  
teris notissimi estimatiq;*

Supremi Officii & debiti Honoris ergo,  
consternato licet animo & ægro,

factus

à

CHRISTIANO DAUMIO,

Scholæ ibid. t. t. Collega Tertio



beatè-defuncti

Discipulo & Affine

nunc Successore.



Anno

Vna Vbl faX FebrVI post OCTo bls aXe ref VLst,  
ZeChenDorffl Vs haC LVCIDa teCta fVblt.

1662

CYGNÆ,  
Typis GÖPNERIANIS.

20.





M. JOHANNES ZECHENDORFFIUS,  
Philologus & Theologus, &c.

Ex Elogiis *Clarissimus, Doctissimus & πολυγλώττα & Celeber-*  
Styrzelianis. *rimi & Illustris Gymnasii Cygnei in*  
*Misnia*

*Rector Emeritus &c.*  
*Literatorum Nestor.*

**Q**uos-Orientales discendi-cumque cupido  
Sancta tenet Lingvas, huc properate citi,  
ZECHENDORFFUS ubi Cygnea Magnus in urbe  
Totius aggestit large Orientis opes.



**N**on habet, invidet Belgis, Gallisque quod, ulli  
Aut adeo genti Teutonis ora hodie,  
Lingvarum spectet quod nempe peritiam: abunde  
Cum ZECHENDORFFUS omnia suppeditet.

*Officii, cultus & observantia in Clariss. Doctiss.*  
*πολυγλώττα, ipsoq; Nestore magis ve-*  
*nerandum Senem*

L. M. Q. F.

Joh. Georgius Styrzel / Augusta Vind. apud  
Rotenburgo-Tuberanos Consularis &c.  
*Senex & ipse Septuagenario major.*

menfe IXbri A.C.  
elc Ibc LXI.

Typis GÖRNERIANIS.

# MONODIA.

**Z**ECHENDORFFIUS *heu* FUIT!  
 ZECHENDORFFIUS *baeteng*  
 Nostræ Stella nitens Scholæ  
 (Sic JHOVÆ placitum) FUIT!

Luge Cygnea!  
 Proh dolor, dolor!  
 Plora Cygnea!  
 Plora Cygnea lacrymis,  
 Orba hoc bono, verissimis!  
 Luge Cygnea perpetim,  
 Nactura vix huic parem!

Tristis Cygnea!  
 Proh dolor, dolor!

Mærens Cygnea!  
 Qui pubem docuit tuam,  
 Qui mores poluit rudes,  
 Qui lingvas Nabatbæias  
 Sollers excoluit, FUIT!

Acerba fata!  
 Proh dolor, dolor!

Molestæ fata!  
 Gentis loquelam Romule,  
 Sonos Pelasgi gutturis,  
 Quod fantur Ebraeus, Syrus,  
 Chaldaea gens, Perses, Arabs,

Callebat ille,  
 Proh dolor, dolor!

Docebat ille.  
 Nôrat Pierios modos,  
 Phæbi delictum sui,  
 Et septemplice quod cata  
 Involvit Sophie cyclo.

Nunc muta cuncta.  
 Proh dolor, dolor!  
 Nunc surda cuncta.

Quod nôrat, haud recondidit:  
 Volant per Orbis cardines  
 Acuti agalmata Ingent,  
 Et clathra pulsant pluria.

Quis promet illa?  
 Proh dolor, dolor!

Quis edet illa?  
 Fraudes hic Mabometricæ  
 Legis diluit, asserens  
 Veri Oracula dogmatis,  
 Et Christi DEI adoream,

Multo labore,  
 Proh dolor, dolor!

Pio labore.  
 Ambaginum osor maximus  
 Artes docens & Lingüas,  
 Discientium cum commodo  
 Compendiosa tradidit,

Nulli secundus,  
 Proh dolor, dolor!

Nulli æmulandus,  
 Ingrati tamen (*heu* probrum!)  
 Seclis pessima Scævitas

Tantum vix coluit bonum,  
 Tantum vix meruit bonum,

Quod perdidit nunc,  
 Proh dolor, dolor!

Quod mox requivet.  
 At estimavit interim  
 Belgæ eruditus hunc Virum,  
 Laudesq; Sequana illius  
 Et exter Orbis audiit,

Qui gerro pravis,  
 Proh dolor, dolor!

Qui vappa pravis.

X 2

Nul-

Nulli vir fuit hic gravis,  
 Cunctis utilis. Inde flet  
 Ejus fata cohors egens,  
 Lacrymatux amica gens,  
     Sonant querela,  
 Proh dolor, dolor!  
     Tonant querela.  
 Ego ipse qui sensi Patrem  
 Vitam per omnem, praeuocem  
 Mea & Magistrum Pallados,  
 Tandemq; Collegam, heu fleo  
     Patronum ademtum,  
 Proh dolor, dolor!  
     Amicum ademtum.  
 Quis nunc sat capiti meo  
 Lymphas sufficiet? quis ab  
 Praebet lacrymae uberis  
 Fontes his oculis meis?  
     Ut luce plorem,  
 Proh dolor, dolor!

Ut nocte plorem  
 Vos ô Camena spargite  
 Rosas, Crocos ac Lilia,  
 Et aeterno Carmine  
 Signate marmor candidum  
     Vestro Camillo,  
 Proh dolor, dolor!  
     Vestro Chomago.  
 Pax functo fuit & Quies!  
 Nullus compositum bene  
 Turbet Livor, atroxve Strix!  
 ZECHENDORFFIE iö ultimū  
     O care quondam,  
 Proh dolor, dolor!  
     O care semper  
 ZECHENDORFFIE jö ultimū  
     Have valeq;!  
     Salve valeq;!  
 Tu praesti: Te beatum!  
 Nos, volet cum JAH, sequemur.

**I**ngratas, ævi tandem satur, optime, terras  
 ZECHENDORFFIADE, dira qve multa, fugis:  
 Corporeo quæ perpeffus tu in carcere, dum te  
     Et morbi & senii pergrave pressit onus.  
 Nunc jo viventum fausta in regione moraris,  
     Est tua ubi Christus parsqve Salusqve Deus.  
 Nil tibi nunc morbus, nil pestis, nil nocet hostis,  
     Ceu prius: angorum nescius, unice ovas.  
 Hunc tibi Natalem \* verum non gratuler? Et non,  
     Quem celebrabam olim, \* post tua fata colam?

\* Diem Obitus Veteres Natalem vocabant. Clarum hoc ex Paullini Nolani Episcopi in Natalem Felicis Carminibus.  
 \* Allusum ad Natalem ejus, quotannis à me Carmine celebratum.

Ad:

*Ad Clariss. & Excell. Virum*

DN. M. JOHANNEM BOHEMUM,  
P.L. Cæs. Rectorem Gymnasii Dresdensis, &c.

**T**Ristia quæ scripsi, Musarum Gemma, BOHEME,  
Qui pubem Dresdæ Gymnasiarcha doces!  
ZECHENDORFFIADEN, Senio venerabilem & Artē,  
Grandeque Cygnensis nuper Agalma Scholæ,  
Occubuisse necis non-exorabilis harpâ,  
Cumque hoc ingenii ditia dona sopheri.  
Tristia revera (quis enim neget hocce?) fuere,  
Tam Tibi, quam nobis Pieridumque choro.  
Namque Vir occubuit, quo non dilectior alter  
Tam Tibi quam nobis Pieridumque choro.  
Occubuit, nostri, quo non præstantior alter  
Asserere Eoæ cunctum Idioma plagæ;  
Qui sollers docuit pubem brevioribus orsis,  
Plurima qui scripsit, plurima legit item.  
Testantur Latio, Grajo, Hebræoque, Syroque,  
Chaldæo atque Arabum Persigenumque sono  
Scripta (a) Viri, paucis quæ non est dicere promptum,  
O utinam in Lucis mox retrahenda jubar!  
Ne tunicæ fiant scombris, piperisve cuculli,  
Aut pessum blattis undique rosa cadant;  
Aut sese his ornet forsan Cornicula risus  
Materiam doctis inde datura Viris.  
Namque ea (b) quæ nostræ commisit idonea curæ,  
Doctura & Latio Grajugenumque sonos;  
Ne pereant, lucem sed comitius edita visant,  
Faxo, si vitam Gratia dia dabit,  
Et Mæcenatum largus favor adjuvat ausum,  
Nec Livor coeptum turbat iniquus Opus.

Quamquam auctor melius, nisi tempora dira vetassent,  
 Fecisset vivus publicè ea ipsa legi.  
 Fletibus adfundis fletibus, mecumque gemiscis,  
 Et tumbæ incidis nobile lemma Viri.  
 Hoc quoque nos pariter conamur, at impare vena,  
 Et brevia in cippo verba legenda damus:  
 ZECHENDORFFIUS HIC JACET, EOÆQUE LOQVELÆ;  
 QVAS, VELUT IS, QVI SIC CALLEAT, ECQVIS  
 ERIT?  
 FIDUS IN OFFICIO TEMNEBAT MURMURA MOMI,  
 CONFISUS CHRISTO SIDERA MENTE COLIT.

(a) *Horum potissima sunt: Præcognita & Gymnasium Latina Lingvæ: Sepimen-  
 tum Gymnasii. Methodus sive Didactica. Lexicon Latina Lingvæ. Ta-  
 bulæ Græcæ Lingvæ. Circuli ad Conjugationes & Declinationes Hebraicas,  
 Chaldaicas, Syriacas, Arabicas, Persicas, Turcicas facile addiscendas, æri  
 incisi. Manu ductio ad Circulos illos. Lexicon Harmonicum-Analogicum  
 Hebraicum. Lexicon Arabicum Proticon ex Psalterio Sædariano, aliisque.  
 Lexicon Arabicum ex Alcorano multisq; aliis Arabicis Scriptoribus colle-  
 ctum. Lexicon Persicum. Scita Arabica. Præcationses Arabum latine  
 Versæ. Alcoranus latine Versus, & plerisque in Suratis consutatus. Fabula  
 Muhammedica Carmine Epico refutata. Compendium Theologiae Reineccii  
 Arabicè Versum. Psalmi plurimi Versibus Arabicis phrasi Alcoranica con-  
 scripti. Tetra stichorum Evangelicorum Th. Eberii Arabica Versio. Job.  
 Ulrici Müslingi Scripta Arabicè Versa. Beustii Disticha Evangelica He-  
 braicè Versa. Et alia plurima. Quæ partim edita, partim inedita maxi-  
 mam partem limam præstolantur.*

(b) *Gymnasium scil. Latina Lingvæ. Cujus prior pars Anno 1622. edita, postea à  
 me recensita, nec parum mutata, & duplo auctior, cum posteriore parte ulti-  
 mam manum adhuc flagitat: Opus ἐν συνόψει οἰον fere, quæ adhuc exstant,  
 Latina Lingvæ Autorum, additis sequioris recentiorisque ævi plerorumque  
 Scriptorum, Voces Analogicè dispositas complectens. Quibus accedunt Vocum  
 secundum singulas Terminationses peculiare Indices, Analogici instar Le-  
 xici, quæ prædictorum Scriptorum Autoritatibus eas muniunt, Philologorum-  
 que Observationibus & Explicationibus illustrant. De quâ Operâ ipse Dn.  
 Zechendorffius p. r. videndus Præfatione in meam de causis amissarum La-  
 tine Lingvæ Radicum Diatriben. Deinde Tabula Græcæ Lingvæ, aucta,  
 & Radicibus restitutis reconcinata, quæ itidem ultimam manum ex-  
 spectant.*

PARO-

PARODIA ODES XXVI.

Horatianae Libri III.

Ὁ ΖΑΜΑΡΙΤΗΣ loquitur.

**V**ixi Juventæ nuper idoneus,  
Et erudiui hanc non sine gloriâ:  
Nunc ossa, defunctumqve morbis  
Corpus iõ hic tumulus fovebit;

Lævum vocati qui Mariâ latus  
Templi ornat. hîc hîc ponite grandia  
Volumina, & pennas, & artes  
Arabiciis studiis sacratas.

O qui beatum CHRISTE tenes polum, &  
Sedem carentem luctificis malis,  
Rex maxime, in dextram cruce  
Conde animam tibi vindicatam!

AD MANES BARTHIANOS.

**B**ARTHIADÆ Manes, Vestri hoc concedite nobis  
Alloquium: Vobis sic sit amica Quies!  
Qui venerabatur vestra, dum fata sinebant,  
ZECHENDORFFIADES, Carmina dia Lyrae;  
Nescius hæc stupuisse satis, didicisseq, quærum  
Autorem & coleret cultus ab hocce simul.  
Par erat, in terris si vos super, illius umbra  
Ut Clius vestra splendida honore foret;

Ni

*Ni Decreti aliter sanxisset iussio dii,  
Nec minor hoc Annis cederet orbe prius.  
Nunc strepera inculti Funebria condit Hyantis  
Daumiada, vestrum non satis ad Genium.  
Parcite, si properi quicquam peccavimus, olim  
Emendaturis, si pia fata volent.  
In vestras alacri laudes tunc ibimus orsu,  
Promeritiq; decus postera Sæcla legent.  
Interea tumulis augecant Lilia vestris,  
Et spiret Tyrium nobilis urna crocum!*

F I N I S.



Zf 6715 GK

M  
1077



QK. 280.

34

LESS

In funere

V. CL

DN. M. JO

NIS ZECHEN

Lefnicensis Misnici, Scholæ C  
Rectoris fidelissimi, meritissimi, l  
sinebant, Excell

Ob αναθηλικογλωσσογνωσίαν σι  
teris notissimi ej

Supremi Officii & debi  
consternato licet a

facilius

CHRISTIANO

Scholæ ibid. t. t. C



beatè-defu

Discipulo &

nunc Succes

Anno

Vna Vbl faX FebrVI post OC

ZeChenDorfflVs haC LV

CYGN

Typis GÖRNI



Handwritten mark: 15

Handwritten mark: 9

